

稻香吟館詩藁

稻香吟館詩藁卷五

嘉定李廣芸生甫

弔東湖樵夫

東湖其地樵其業豈是子虛亾是公或者姓名果失
考野王二老將母同金川門啟宮禁火秦淮殉節黃
待中草莽孤臣亦慕義千秋正氣成雙忠湖波一杯
有時涸傳芭奕禩無終窮

書趙秋谷宮贊館山集後

心不曾盲目卻盲年開九秩意飛揚青雲早致原非
幸白簡偏遭半爲狂偶似伏波讒惹政遂教子美老

滄浪文人自古相輕慣一錄談龍試細商

試燈日招高菊人沈鹿坪兩庠老小集皆丙午

同年也

五旬以外各華顛

高五十三沈與余五十二

此集端應號齒筵江

榜人來連浙榜新年例許會同年

都下正月各會同年

桂花樹

老香猶在柏葉尊開酒共傳畱與台山作佳話郡齋
蔬韭聚三賢

述懷次沈鹿坪疊屋字韻

幾曾鄉里有禾屋簿領勞勞十四年顧影原知非巧

宦觀心直欲類枯禪昨將鳩飾高堂杖

昨以台山萬年藤奉家慈

其實不須也 新叶熊占小雅篇自古何人生令子東坡居

士有斜川

鹿坪以顛字韻詩見和疊韻奉柬

不學遨頭老放顛荒厨聊敢咬春筵詞非白雪慙高

曲宴是紅綾話昔年

鹿坪成乙卯進士

文藻江山千古在聲

名官職幾人傳憐它潦倒高常侍冒雨衝寒禮普賢

朝人方游台山而連日春寒多雨

鹿坪詩來云有歸田之意再疊前韻勸之

田有租收宅有廬歸與好趁始衰年廣場說法原爲佛退院緇經也是禪夢繞何山桑梓地情牽小雅春

令篇

以仲氏謝世遺言
令歸撫教猶子

奉親我尙資微祿回首松楸

隔練川

再疊顛字韻和鹿坪

報章妙欲到豪顛草具何堪擬盛筵跡比雪鴻逢異

地耳聽苹鹿又今年

今秋他鄉試

清才沈約真難及佳對

溫岐許並傳

來詩有此集燕毛真盛事相逢
鴻爪又新年之句可稱工妙

各保修

名期努力獻書當日各登賢

鞠人詩來疊韻和之

容邴差安當授屢嗛饑仍未免豐年

鞠人貧甚

儒官每勵

勤嬉戒梵行初參止觀禪

往遊台山

鷲嶺結鄰依勝地龍

湫懸瀑入新篇遠公若許陶公飲定似長鯨口吸川

鞠人
善飲

疊顛字韻和鞠人

尊前不學柘枝顛監史何庸設衛筵彈缺魚歌懷丙
穴自來台州
未得食魚吹笙燕樂感丁年車弓我友何須畏衣

鉢其人未得傳誰與荒陬肇文教都人還頌廣文賢
真守將還任同官餞余于巾子山之不浪舟疊

顛字韻

已上高峯未到顛舫齋遮莫啟離筵鶯嗁弱柳將三
月蟻鬧枯槐又半年滄海濤聲晴不上赤城霞氣幢

難傳酒痕帶向當湖去不忘殷殷地主賢

再假台守

一由旬頃奉臺符又把烏篷驛口呼人笑逢場牽傀儡
偏我慚依樣畫胡盧磨牛陳跡步仍踏梁燕舊巢栖
不孤

前居府廨今僑學使行臺
中以前守眷屬未去也

且喜夏山時作雨雲

泉都向水田輸

王江涇

蘇州

蘇州接秀州書疆王江涇涇水至今濁中有戰血腥
前明張都堂殺倭功可銘不蒙通侯賞反遭西市刑
世宗殘忍亦聾瞽信用羣姦任簧鼓林甫謀深偃月

堂章邯書格中軍府樂羊三篋謗方騰陽城一疏心
徒苦如何不飛六月霜如何不斷三年雨牽連附麗
及椒山刀筆舞文似豺虎至今風雨撼波濤英魂夜
泣馮夷怒

弔胡將軍

將軍名振聲聞人溫州鎮總兵官總統舟師
其尊人官提督外舅某亦提督也嘉慶六年
六月遇蔡逆于鷹窠洋孤舟直前後者不繼
陷賊而歿事

聞贈提督卹蔭有加初將軍嘗擊蔡逆船幾沉矣風

驟起收兵逆逸去往將軍過嘉興親爲

廣芸

言之將軍太夫人尙在堂無子可悲也

三鎮聯踪進元戎獨被圍天吳驚浩氣海若避餘威
兵法龍頭忌雄心馬革違褒忠邀異數老淚灑慈闈
聞閩洋有警因巡歷沿海各戍設備

縵胡短後學談兵六月台東並海行村社虜將軍
鬪戍垣湯信國經營布棋島嶼縱橫列聚米山川險
易呈誰戮鯨鯢靖鯤壑樓船從此罷長征

春草

青青一色接天涯臘鼓聲中早孕芽
歷劫不畱金塔

地多情還上玉鈎斜，千團白糝憑飛絮，數點紅黏是落花底事。江郎矜彩筆，肯將離別誤韶華。

秋祭唐鄭司戶祠

正是西風柿葉丹，來瞻像設鬢絲殘。鷓鴣聽鼓驚心易，猝辦刀繩到手難。三絕題經奎藻重，八哀詩望海雲寒。笑它弟子前知矣，本合溪毛薦不刊。

農家四時詞

春鏡城市收細雨，茅檐響曉來。杏花岸青芽，茁叢莽。鵝鴨喧陂塘，潮痕漸增長。大塊陽和回到處，生機盎。叱犍兼荷鋤，簞笠共攜往。

新陰日以濃漸遮前村屋桑禿蠶絲登麥苳餅餌熟
布穀鳴不已秧鍼已抽綠梅雨且時行薰風亦將溽
才覺蚓笛停俄聽蠶吹促

涼風從西來宵露滴如雨數叢牽牛花嬌豔翠如許
瓜豆羅笆籬蟋蟀鳴場圃江南月令遲八月稻花吐
煙中好捕魚乘月鼓柔櫓

夜春聲滿村糟牀酒香遠社賽租又完婦子娛歲晚
篝鐙煨楮袖女紅勤婉婉朔風增勁寒積素呈遙巘
溪橋一枝梅疏花開偃蹇

和家杭州坦詩二首

焚香

鷓鴣斑入博山焚室有芝蘭味已分埽地情懷春淡
沓告天心事夜殷勤非關小像熏金粟好護重簾漾
水紋一縷篆痕搖颺處莊嚴世界隔層雲

洗硯

染遍濤箋筆乍投未容餘瀋一切畱呼僮迅酌清泉
滌對客親將漆匣收平等觀何分垢淨不緇性豈共
沈浮老顛拜賜宣和殿袖裏淋漓意氣道

蟹

籬花正放露橫江編竹如簾近石缸萬葦戰時驚渚

雁一燈明處吠村龙古桐絲澁如輕撥香稻芒多或
共扛正是前鄰新釀熟勞人左手紫螯雙

題白門名勝圖冊子

前朝百戰苦間關兩度滄桑轉眼間不道涎涎雙燕
子啄殘如此好江山

書李衛公傳後

徐文

衛國勲名在會昌家無文選薄詞章能兼將相真無
忝太判恩讐也不祥才士論兵憑杜牧宰臣歸獄借
吳湘平生精爽令狐畏不隔朱崖水一方

題鳳阿山房圖冊子應金司訓

元鈺屬

冊有三圖一爲吳漁山作無年月一爲梅耦
長庚作題曰乙丑當是康熙廿四年也自錢
田開黃俞邵朱竹垞姜西溟查它山輩題者
七十餘家乾隆廿六年我邑陸君遵又作一
圖先師少詹事先生題二絕於後則在五
十年也此冊紙墨完好我鄉不多有之物今
藏臥游齋中得其所矣

初寫雙圖越百年士龍續筆並流傳當時名士多於
鯽題徧雲藍幾幅箋

觸目琳琅蘊古香雲煙竹樹總蒼茫華嚴樓閣虛空

見漫比盧鴻舊草堂

釀花仙館萬花林名跡如斯劇賞心
寒具手看猶小事莫將缸面酒輕斟

嘉興陸宣公祠

陸宣公祠

巍巍唐相舊祠堂屹屹豐碑對夕陽
聞扈行朝書一詔慣流悍卒淚雙行
弱年清節畱茶肆邈客殷憂集藥方
事際艱難尋陸九艱難平後便投荒

伊揚州

秉綬

寄示雷州寇司戶祠詩遙和

兩宋荒陵白露秋相公祠宇尙雷州
江山孤注澶淵駕鼎鼐先幾野渡舟
天上騎箕應有兆人間賜帶未

容畱上尊酒與東園器多少庸庸博陸侯

岳忠武王祠

鄂王靈爽塞乾坤蕭颯南枝不肯春睡語敢嗤張魏

國游魂不識賈宜人神棲西洛陵誰上

鶴林玉露臨安淨慈寺後

有望祭殿每歲寒食望祭西京諸陵祝版有鬼到東
心馳西洛及秩上陵之典禮徒切望思云云
窗事或真請看一坏畱萬劫何如風雨拾寒瓊

于忠肅公祠

蟲沙狡鶴一齊捐國事全憑少保肩樞部令嚴諸將
肅柳莊相法後賢傳未知熱血灑何地只有丹心可
告天僥倖蒙塵能復辟褒忠亟亟祀中涓

鴛鴦湖

鴛鴦湖水滑於油采采蓮花不自由萬籟可無須有
月四時都好最宜秋欲招道士來吹簫便與仙人共
住樓此是濠梁魚樂園

董香光書刻石
嵌煙雨樓之後

休攜笳管上

扁舟

題張解元 廷濟 新篁里居

新篁里卽履仁鄉千箇篔簹十畝桑燈火人家成聚
落津梁水國便舟航春蠶上箔苗初茁秋蟹銜苾稻
正香此是江南豐樂地循陔好賦白華章

人傑生來地卽靈草堂應勝子雲亭桂枝崑玉懷前

哲短竹疏花種滿庭終歲著書徵慧業它時佳話入
圖經鉅卿仙翰留題處斗室長教德自馨

撫部儀徵
公題額

謝張解元寄贈檇李

名藍珍果易頊筐卻比霜柑寄夜航枉被人呼饒太
守玉漿如乳不曾嘗

余少不嗜果
近久不食矣

賀梁山舟先生重宴鹿鳴時年八十有五

恩旨晉翰林院侍講學士

相門績學早登賢鬢鑠聰明是樂全地有湖山開第
宅天將富貴贈神仙蟠桃正實三千歲老桂重攀六
十年更爲公家徵典故齊眉還比孟光肩

一霎霓裳廿四科評量風月臥煙蘿故人閨苑書全
少後進崑山玉正多五色日邊來錦誥一條冰上晉
鑾坡輾輪佇看桓榮召萃鹿還因憲乞歌

嘉興縣所轄之王店鎮卽梅里也里多君子醵
金建節孝祠舉其里已旌未旌之節婦胥祀
焉余旣爲之撰記春日往祭賦此以表諸君
之能敦風化也

天荒地老泣孤嫠急調哀音寡女絲杼覈充糧延薄
命澗溪擷菜奠新祠窮鄉未盡邀三錫衆媿今皆識
四維難得諸君欽苦節貞魂都唱鮑家詩

曝書亭感懷

吳榜撥春星并損半湖綠言尋詩人村荒亭緬遺躅
小桃花已殘柔桑樹猶禿壤籬好鳥鳴淺渚維鳧伏
當年風騷壇裙屐輻湊大雅百年徂後生虛私淑
風吹兩垞秋非復昔時竹太息題壁詩幾叢護寒玉
春風吹我來雙燕迎相語年年營新巢烏衣非舊主
欲問浣花溪已同種瓜圃好事侍郎公補築數椽宇
載酒醉吟魂溪毛薦尊俎春風所吹噓還生寒谷黍
佳話江湖傳感者涕如雨

儀徵阮公捐俸釀金爲
贖已售之地重建是亭

研經博物書昔拜

仁皇賜雲仍雖式微謹守挈瓶智每每吐光苾上接
雲章熾儒生此遭逢於古良非易官雖七品卑翰林
乃清秘

南齋旣丹地況又

講幄侍於唐北扉班於宋待制位歸田享遐年著書
攷經義文采風流名足奪新城幟一代能幾人文星

殆無媿

查初白贈詩有天雷
此老應文星之句

盧鴻圖草堂放翁畫團扇九京不可作畱此一燈絹
我生嗟已晚三圖幸曾見

竹垞圖曹次岳寫小長蘆
釣師圖泊西陵先生月波

吹簫圖皆禹尙基
寫曾先後得見之

圖窮系以詩一一皆碩彥煙雲眼

已過泥雪心猶戀
渴來正好春穠韶
綉青甸浙右此
亭古廬山靚真面
徒殷一瓣香愧我
判牘視

示李生

超孫

生秋錦先生之後也
舉鄉薦出余

本房弟

富孫

從弟

遇孫

皆明經讀書負文望

較檢討後人榮枯懸絕矣

秋錦才名亞竹翁
蹉跎竟以白衣終
花開太足枝因
瘁礦鑿無多寶未
空季虎頭龍都侷
蟠根奕葉正
葱蘢人間萬事畱
餘地消長乘除見
化工

柳花

永豐坊角綠依稀
吹過東風氣力微
惹得兒童成把

捉陪他蝴蝶作團飛
糝來鶴徑粘泥否
點到魚碣映月非
隔院秋千忽喧笑
無心又買女郎衣

詠虞美人花

楚宮承寵記前身
豔質還畱劫後因
垓下遺來亾國恨
江東種出滿園春
大王氣盡空垂淚
望帝魂歸待結隣
一代紅顏付兵解
精靈那肯化青燐

弔明兩狀元詩

惜對山悲升菴也

空同子與貂璫搆
魂飛湯火園扉畫
一紙書呼對山救
對山不救交不終
負此友生急難中
以人性命博

名節展轉時踳淚鳴咽貶節權門一度行它年不悔
六州鐵康狀元璫鄉里肯辱臨璫大喜所請無不從
頃刻春風吹獄底空同從此生對山其已矣事後彈
蕉兼集矢事前早已知如此康狀元情可憐鸞飄鳳
泊江湖眠瑟瑟腰鼓不忍聽更逆秦聲入四弦

撼門慟哭震九閭哭聲杖聲爭雷碾新都公子投蠻
荒蠻荒遠在瀾滄界裏創心更讐人戒九死餘生萬
里行殺賊揮戈猶睚眦我聞冰雪之後陽春至玉環
每向流人賜不記當年側注冠將星照處金鞭肆謂
徐有奈何定策勛已作秋風扇奈何大禮議構此陰陽

戰異時西苑學神仙金雞不下含元殿吁嗟乎三春
怨花柳六詔苦風煙寢門迢遞修門隔寫韻樓高聽
杜鵑

和人四老詩

打包曾結水雲緣入定仍參出世禪皺面觀河非少
日雁眉退院已多年一龕燈火安心慣幾箇蒲團著
鄰穿修得如來加倍壽未能成佛未生天

僧

枇杷花下揜雙扉攬鏡紅顏比昨非似水流年真在
苒如雲好夢尙依稀銀箏難叶新詞版金縷空收舊
舞衣兩袖嗁痕一庭絮不堪情緒送春歸

妓

身經百戰不封侯白髮蕭蕭竟滿頭神駿激昂嘶阜
攄斗牛隱約射吳鉤三遺矢豈加餐詐兩石弓還試
臂適但願靈臺長偃伯且銷金甲上漁舟將

雙袖龍鍾淚暗傷此生誰與薦阿房慣聽柳汁人人
染悔踏槐花歲歲忙豈爲兔脣煩補綴拚將駿骨埃
蕪藏無端賺得頭俱白磨折英雄是舉場儒

竹夫人和友人作

良宵苦熱急相尋意外專房寵更深密密疏疏仍有
節空空洞洞竟無心小君豈必長當夕衆女何煩詠
善淫悟得橫陳如嚼蠟秋風不唱白頭吟

和友人詠史

萬里長城亘北荒，金人十二列成行。能將劫局空三古，竟以餘威畢六王。石上瑯鏤丞相篆，殿中供奉侍醫囊。如何末路求仙急，方丈蓬萊悵渺茫。

秦始皇

不惜揮金報國讐，會畱它日願封畱。一椎孟浪狙應悔，隻履殷勤取豈羞。運策定從黃石教，知機欲共赤松遊。布衣掉舌與王佐，大戟長槍未許侔。

張子房

置燼蹈背劇堪哀，旃雪餘生實壯哉。自身隨甓臥起已拚魂，化鶴歸來說降醜。縷千言絮餞，別勤拳一舉杯。同是英雄同列傳，麒麟閣對李陵臺。

蘇子卿

五福無端聚一身卅年將相四朝臣投戈回紇都呼
父置酒軍容互作賓地下殊榮尊袞冕天邊奇氣積
金銀臨淮威畧寧多讓孤負平生壁壘新

郭令公

讀王介甫傳

恬退高風四海傳如何韓呂劇周旋甘心變法推商
鞅冷眼看人有老泉放學三經多士習奉祠一壑暮
年專靖康禍自熙寧伏怕聽天津叫杜鵑

承歡

曉起放衙早退承舞彩歡母慈憐子老

每赴會城太
恭人必屬曰

年亦老矣
起居須慎

兒小當孫看插架牙籤積安居美蔭寬

庭有

大梓樹
甚嘉
一官真過分那敢忘寒酸

寄友

聞君新築草堂成瘦竹疏籬倍有情
秋老恰逢紅稻熟客來容損綠苔行
迂倪閣署雲林額顛米菴題海岳
名欲訪維摩方示疾藥鑪煙篆繞簾旌

市聲喧不到庭除池館清佳水不如
每有歌吟出金石何妨問對及樵漁
秋風桂樹思尋斧明月梅花好荷鋤
遲我囊中貯餘俸買田宅畔鎮相於

猗園

我餞社燕歸兼訪猗園竹昔年賤于蓬
亦且森如束

鸞尾梢雲修青瑤映波綠劉郎今又來忽失數叢玉
豈如當門蘭豈如妨冠木南山竟已罄北垞亦全禿
焚琴與煮鶴有斷而無續請回子猷駕免餒與可腹
安得返魂香蒼雪盈叢薄

李張三先生猗園合祠詩

吾鎮文人當以長衡先生爲俦首當其時旣
聲名籍甚身後又得入

欽定明史文苑傳海內咸知之矣其伯兄之子曰繼
仲其仲兄之女壻曰張子石皆詩人也張爲
巡撫廣西右副都御史贈兵部侍郎諱任之

從孫明崇禎十五年計臣議嘉定漕糧半徵
本色百姓惶駭張以諸生挺身伏闕上書又
籲於要津事得寢家本素封廣交遊旁郡薦
紳先生賢士大夫多與之往還晚歲子死於
讐家大落李族殲於叛奴縉仲在遠得免歸
已無家寓城中某氏以卒夫以張先生之爲
德於邑大且久也以李先生父子之文采風
流也今皆不祀忽諸良可感歎暇日與同志
謀遂合祀于猗園之豐樂亭期以每歲春秋
一釋菜焉園本縉仲別業後屢易主今衆姓

買之捨於州城隍神之行祠云同奠者許

國

柄褚英陸逸朱掄英程芝筠范澄諸玉衡李

景董范國寶及廣芸也是爲嘉慶十六年八

月七日癸丑是日秋分旣記其緣起又系以

詩曰

一栢雖不到重泉麥飯家家上墓田惟有詩人薤骨
地棠梨無語草如煙

老輩風流久逝波一龕香火寄煙蘿濡豪待譜神
曲付與村巫拉雜歌

好題祠額作三賢佳話畱將異日傳從此月明風定

夜吟魂來倚畫廊偏

意有未盡又賦律句二章

閏歲秋分月未弦拚除斗室妥三賢多年精爽知猶
在此日馨香式告虔定自黃泉升碧落從來才鬼勝
頑仙今朝細雨斜風裏手挹溪毛薦豆籩

詞壇角逐本相親彌勒同龕也夙因未脫白袍唐進
士無慙青簡宋遺民九京可作兼師友二姓之交迭
主賓塵障已空清德在一鄉端合是傳人

入都畱別之作

廿年從宦二年歸歸及祥琴手忍揮身上猶畱慈母

線篋中空弄老萊衣籬花此日開三徑宰木何時大
十圍況是詩人敬桑梓那能臨別不依依

蒲柳零秋鬢早斑鏡中非復舊朱顏欲遵母訓長依

墓

先慈暮年
之言如此爲感

君恩又出山

小臣自膺九卿密保
屢邀 聖恩特擢

十駕知非中駟伍

一麾久玷左魚班牧民勉副惟良語須念閭閻五綉
躋

猗園祖席荷知心戶小杯深酒細斟今雨來還兼舊
雨秋林好不讓春林每思少日魚同隊所冀名流鶴

在陰

祝應鄉
試諸君

此後行藏各珍重瑤華待與寄苔岑

江南新酒菊花天去著燕齊道上鞭熟路好尋題壁
字故交分贈辦裝錢聲各官職元交重政事文章豈
易傳仍以慈祥濟清淨好憑和氣迪豐年

出門

稚子須勤學它年好負薪回頭淚承睫無復倚閭親
逸民

業在名山跡隱淪才兼貨殖不憂貧著書經世蒐金
石避地終身客晉秦肥遯心情憂履虎壯懷形貌冀
圖麟晚辭薦舉完貞操白璧無瑕古逸民

吳趨

繁華佳麗冠寰區吟到吳趨句亦腴樂榜三魁多上
第香涇一櫂載名姝風花雪外宵宵月內竹絲中串
串珠百伎玲瓏諸貨集天然錦繡是名都

至吳門王公孫

汝平

以洞涇草堂圖卷屬題

西莊先生今岱斗歸田卜宅金閭右洞涇橋畔草堂
成經史丹黃不離手鯁生壯歲謁先生青眼頻邀倒
屣迎趨庭詩禮正寫定循陔公子衿青青

尊甫敏甫秀才

先

生高年歸兜率公子旋聞徹琴瑟草堂無恙小同棲
東絹礬來傳妙筆烏虜我鄉幾傳人先生著述殆等
身尙書後案史商榷此外未刻楹中陳我冀公孫盡

采布遺棄母令飽蟬蠹見圖我尤思見書慎勿因循
朝與暮廿年從宦浙東西此日胥江倚櫂題堪歎年
華似流水紀羣墓草久萋萋

中表汪氏弟兄

濂

沂偕從弟

錫頴
繪書

載酒至潞野餞

別

口福推吳饌兼之橘釀醇同來須盡醉後會計新春
虎阜遊入市楓橋過客津來朝回首望雲氣白輪囷
過無錫

先人負笈梁鴻谿僧舍讀書飢噉齋八十餘年陳迹
遠孫曾它日記鴻泥

呈舉主侍郎秦先生時以目疾告歸

岳牧東南十載餘
又升卿月侍

彤除謨陳寬大湯
開網政體哀矜禹
下車豈有餘貲
支伏臘偶因微疾
戀樵漁九龍山色
青於黛正好垂
簾日著書

夜過常州追輓同年洪編修

亮吉

洪君射策明光殿
聽唱臚句五雲見
江湖題徧始成名
當代時流獨出冠
今之鼎甲宋三魁
囊筆編摩近香案
儒臣平步到公卿
本可無災與無難
乘輅萬里使牂柯
傑直三天借耆彥
惜君方寸有五岳
康莊不

和言
三
慣邛崃慣好肉無端剗作創言似風狂職非諫秋官
執法殺無赦德比勲華豈容訕

聖皇大度真能容寬典姑從西域竄窮荒大磧冰雪
天十萬八千毛孔顛郭門幾與戎夷鄰何處煨紅楮
柶炭幕府軍容在示威轅門鼓角聞傳箭髮上雖衝
壯士冠鄰行幾齒將軍劔係全終仗

帝仁慈不令絕徼蒼蠅唁荷戈百日卽賜環畧教野
性經磨鍊雖非中行頗有膽

聖意畱將大臣薦君歸閉門自思過臣罪當誅

天特遣安心士伍太平時秋月春花幾昏旦一朝怛

化得首邱神返蓉城悟真幻平生著述藏名山世上
仍傳廣陵散後來不知事本末異口同聲偁鐵漢

丹陽

小泊雪陽驛津頭木葉凋濕篷飄細雨繞郭送寒潮
天外江聲遠雲間雁陣驕模糊今夜月腸斷堦鄉遙
少年就婚句容取道於此登
陸今內子沈恭人沒九年矣

渡江

西不見岷峽東不見滄溟眼前惟見金與焦兩山終
古長青青惜庖禹書班志無其名金山之泉有中泠
焦山鼎與瘞鶴銘後偁名勝登圖經江水不涸山必

靈兩山東西日相見江水新新曠息換前帆後帆疾
于箭來船去船紛歷亂我亦頻頻到江岸忽北忽南
若干遍將刀劃江江不斷江在坤輿才一線

瓜洲憶乾隆己丑夏五侍先君子過此風景

漫天梅雨晝蒼騰船傍眠鷗小泊曾菰葉青青蒲葉
綠瓜洲郭外晾魚罾

揚州卻寄齋翁

保泰

庠老文章伯

工古文

揚州廿八年退之將進學永叔便

歸田

以俸升國子監博士遂乞長假

一桂連蜷茂

令子穆卿公雙芹車十二年矣

次第拳

兩令孫今春同入學

館餐懷舊德北道誼拳拳

昨過崑山縣東塘謁寓公維舟秋水碧置酒燭花紅
小草違微尙靈椿似此翁吳門風雨惡分襟太怱怱
十月九日別於張蒔塘宅是日大風雨

富媪

富媪於今豔此邦客鄉往往駐油幢家憑煮海資長
算人爲觀濤辨曲江騎鶴纏腰錢貫萬飛螢照眼樂
無雙能蒐故實汪容甫龍鼎真看健筆扛
汪容甫有廣陵對聯
體一篇隸揚州故事叢典贍

十月十八是先君子生日

先子縣弧且餘恫卅二年家鄰白鶴寺人在廣陵船

季女尸蘋藻童孫薦豆籩孤兒垂六十誓墓素懷儔

自揚州以北河湖一片舟行頗艱感賦

水果歸冬王天將巨浸稽閒民勤畚插使者領河隄
竹木淇園捷金錢少府齋豈徒資轉漕

展宁念淮黎

地溯邗溝上防川一線隄沿流星雷少帖岸女牆低
龍節勞沈馬鳩工願鑿犀河從南徙後順軌出雲梯
風力船脣勁羊裘未覺溫亂禽投古戍羣犬吠孤村
天壤躡行旅波濤駭括坤丁男不遑息擔土護隄根

卽目

棲雅語樹顛落日燕支紫晴湖氣如酥極目浩無垠
敗柳繞叢祠或在水中吐煙波廿六陂不見鷗鷺起
我待寄疏麻沿緣覓河鯉

高郵弔秦少游

淮海蘇門彥文章湜藉間微雲傳女壻蔽日恨權姦
山谷宜州殞東坡儋耳還華光亭一笑千古證仙班

淮南

淮南那得比江南苦雨淒風雁戶諳敗葦織牆茅作
瓦塵沙眯目柳鬢參

酒旆

逆水迎風百丈勞，湖天霜氣逼征袍。
洞庭春色江南味，茅屋憎它酒旆高。

淮安

天庾輸將載萬艘，列卿於此駐旌旄。
很貪驅使羊狼劣，輕重料量燕雀勞。
任土編氓征米粟，長途衛卒耗錢刀。
史稱一石需三石，民運還應罄血膏。

見明史

板牘感舊

往年過此長洲周孝廉，雋客推使廡桐城馬。

進士宗璉，為山長皆同年也。今周試令涉南。

馬久逝也。

袁浦彎環接楚州當年訪友纜歸舟種花爛漫周公
謹宿草荒涼馬少游赴壑蛇驚時易逝爲雲龍是氣
相求小山叢桂枝多少爭耐吳剛利斧修

挑河謠

挑河挑河河底沙多挑沙得錢我腹果然淮水清河
水濁淮強方能與河角淮迫河行使之速河流不停
沙不伏河不停順軌行淮揚沃野千里平年年無潦
年年耕年年耕年年熟年年秔稻堆滿屋人不挑河
也果腹

河北

一到黃河北馱鈴遍耳中馬通無棄地羊角有旋風
旱潦難豐歲淮徐舉大工李家樓漫口宵旰厪

宸衷

邳州

驅車過驛路沙淺棗林枯冬嶺全凋翠明流半浴鳧
雄州城郭壯飛將姓名徂百戰誠何益英雄失霸圖

入魯境

中宵夙駕聽郎當三宿輪蹄入魯疆寒墅濃霜千頃
白短牆新月一鉤黃龜璋蒔葑封禽父麟紱朱絲誕
素王禮樂千秋文萬古先師先聖在東方

汝上縣贈同年黃長官

洙

曩別君於座主朱文正公安慶節署今文正
公謝世公子少卿又亾酒間語次相對咨嗟
不已時冬仲七日次日日南至也

齊年黃叔度宰邑古諸侯吾汝堪名集

宋人有
吾汝集

皇華

每速郵古碑存衛尉

縣有漢衛尉卿
衡方碑承拓贈

舊雨話舒州痛

定台星殞郎君又偕遊

豈期遊岱之魂
王元之表中語

翌日書雲節今宵翦燭情論心千里月適口五侯鯖
誓墓違微尙驅車聽頌聲離懷廿一載握手等班荆

東平州懷古

東平賢足媿河間四字名言竹素傳帝子若知爲善
樂不將雞犬共成仙

第一科名世豔偁廷魁繼武更難能張家佳話

張去華建

陸二年狀元子師德

梁家又

梁灝雍熙二年狀元子固大中祥符二年狀元

是爲

汴宋人文得未曾

金源遺老負詩名野史亭中野史成猶有故人招下

榻禾漸麥秀暗吞聲

腰站旅店晨餐畢同年盧太守

元偉

自嶺北入

都至此相遇

我昨官西浙君昨官南詔鴉飛不到山雙鯉何由到

君昨歸嶺北我昨歸吳東相去路三千音塵亦難通
大海兩葉萍有時忽相遇一昔或不知數程同驛路
長安日漸近聯裾入國門藤花廳左右君有舊巢痕
君以司封出守吏部有藤
花廳爲堂上官治事處

曉行

茅店荒雞促曉裝一天霜月接晨光如何飽食渾無
事日到天中尙在牀

入彰義門

曉過盧溝認舊蹤桑乾冰合月融融千重雲隔西山
匱尺五天瞻

北闕崇舊邸關心三宿戀故交回首一星終修門又
入恩門盡華屋山印感慨同

此到都鄉會座
師無一存者矣

臘月二日謁座主朱文正公墓兼奠公子習之

少卿厝殯

巍巍朱太傅名德天下望寬大政無苛儉樸性所尙
一技不肖遺休休有容量數歷六十年晚作太平相
聖皇眷舊學前席咨諏暢造邾無諫草此意誰能諒
賢者責備多間亦來訕謗自騎箕尾歸羣悼老成喪
抒痛有

宸章飾終典最曠

君恩及祖惠後人慎毋忘

盧溝西以南山路行犖确迢迢呂村原屹立豐碑卓
名臣又名儒終古此薶玉冢婦暨少子先已隸於穆
弟子誰種松寒林葉猶綠百齡影雖徂千秋名不辱
昔來東閣趨今來公琴哭

楚人稱冢曰琴以臯陶冢爲公琴見水經注

太

息元常書孫居墓田屋

郎君貳冏卿爲賢亦君子本無綺紈習頗得老莊指
胸臆坦途如譚論懸河似締交廿載餘其臭蘭堪儼
恩澤克承先嚮用方將始一朝風燭驚半夜壑舟徙
歐陽少師逝叔弼又已矣中郎況無兒九京詎能起

竭來展殯宮雲沙黯寒暑得君尺牘多篋衍弄故紙

彰德郡庭石盆銘詩

盆高三尺徑五尺厚不及二寸裂而束以鐵
中周以銘其詞曰粵有大器制始完璞秀發
崙岡精融行麓雄鎮地維屹盤坤軸匿采岫
棲蘊靈巖伏質露剖山奇標鵠谷磊塊溢觀
叭狀巍目哲匠思營雅範神矚砥礪若金磨
確比玉象肖葵分文摹雲蔟忠著傾心智微
衛足涓納廣容波澄淨浴規妙天成玩踰珍
蓄裁頑仁方攻鈍學鵠嘉尚幽貞儼對祇肅

爰勒斯銘介如永昂凡八分書百廿言大興

張君孫守鄴歸搨以示人并索題得五言一

章書於冊辛未嘉平月之朏是日微雪

一從歐趙來世頗講金石近時諸通人尤多具此癖
爬梳及廢豕蒐剔到荒驛羲娥固或遺星宿詎盡撫
鄴寺有石盆中虛空數石其厚約二寸其高將三尺
烏金如帶圍緣被巨靈擘非荒草寒原亦雨淋日炙
中環百廿言厥文無待釋銘詞屬對工介如義試釋
惜未欵識鐫諒已時代積非漢非當塗辨隸執波磔
是唐是五代言太守臯雲定為唐末人隸體乏左證攷覈制器何人

斯鹵莽良可惜吾友張茂先典郡矢茹藥下車驀見
之命吏檢故籍志乘所不登聞之欲蹙頽諷誦心焉
寫摩挲手有澤瓊椎拓幾通珍重等球璧遂疾歸春
明裝池示坐客將以傳來茲徵詩漸盈冊日下多鴻
生琳琅非一格我來踏輦紅偶亦畱爪跡齶齶臘鼓
中六花飛九陌

題家書後

久未事行役客中偶憶家阿鹵慙蠟鳳弄筆好塗雅
書報平安竹鐙開頃刻花長安如日近兒小可思耶

玉門歌寄同年張安西

若采

玉門之關鄰大蒙鹽澤蒲類河源通窮荒萬古無春
風大夫出塞非從戎畫戟前導雙旌紅馬首迎拜氏
羌童訟庭酒晉蒲桃濃我聞漢時西域此門戶唐代
曾開都護府

皇威拓土月窟西州是天山最東部大夫今爲窮塞
主伊涼調八吟聲苦吟聲越苦語越精近來詩格定
渾成大夫早負能詩名釣遊之地爲茸城九峯如畫
煙螺青三泖滑笏琉璃明筆牀茶竈浮吳舫蕩花深
處尋鷗盟壻鄉又指餘不亭一櫂載酒過西冷六橋
花柳曉春鶯似珠好句旗亭聽仰天一笑冠絕纓大

夫俄而官隴右吳雲夢隔某花久

君有某屋讀書圖

彈箏峽

前牧涇州與臯蘭山

三假蘭州太守

贏得棠陰碑在口而今遠泣

古瓜沙羌笛聲聲怨楊柳我從鄉國來燕都西飛卻

遇王喬鳥

謂繆大令元

長歌聊以代問訊喜爾丹山有鳳

雜

嘉平望夕葉民部

繼愛

招同朱司勳

文翰 廬元

傳 王治模

兩太守素食皆同年也賦此志謝

兼柬令子上舍

志說

日下歲將暮雲間月正圓伊蒲堪作供居士也開筵

蔬筍存真味庖厨免割鮮梁鴻甘滅火

君性過廉漕督許秋巖先

生貽之書曰梁鴻滅
竈自炊本非中道
蘇晉本逃禪同榜晨星少消寒

舊雨聯趨庭詩禮習充棟縹緗填嗜有歐洪僻文同

徐庾妍迎

鑿曾奏賦

令子恭逢冊蒙

恩取入文穎館膳錄

給札便

懷鉛節槩南山梓文章楚國榷
漢陽人交情羣紀厚小

友可忘年

爲葉民部

繼雯

題種竹寫書二圖

我家婁江東村村森竹木迨官故鄣南處處貧簞谷
扁舟南北垞更訪詩翁躡與竹最有緣柰不醫我俗
吾友金門隱厥先石林族久索曼倩米已斷何曾肉

東鄰蒔春花西鄰蕪秋菊君特愛此君冰雪不改綠
乘其醉乃移根帶湘煙刷干个碧琅玕平安無待祝
一叢廿餘年亭亭傍蘿屋瑣碎月影來淋浪雨聲續
退直閉關居攜書入林讀其實離離然還飼小鳳啄
編韋汗簡青伐毛管城束供君日臨池霜豪不嫌禿
古來藏書家竹素皆手鈔一書寫三本珍重同瓊瑤
自從版刻興寫本竟寥寥然而枕中秘未必都開雕
吾友滯于書牀上連屋高移家來長安五車壓牛腰
見人有善本借錄窮昕宵雌黃慎校勘點畫析毫豪
況乎禮堂定有畏腕脫勞退筆積如薪瘞之覆以蕉

或有一瓶來亦可便腹澆春明龍圖宋虞山汲古毛
非無精采本擬君未足驕有子紹家學日日鉛槧操
循彼南陔行叢篁聲刁騶行警天祿書太乙青藜燒

婿徐琳森玉

男華清正之同校

稻香吟館詩藁

卷五

三

稻香吟館詩藁卷五終

稻香吟館詩藁卷六

嘉定李廣芸生甫

過李鐵拐斜街朱文正公舊第感賦

先師少日出無車

公少爲翰林與叔兄學士公同一車出

重入詞垣此

卜居對宇望衡田氏樹固應題作鄂不廬

堂名鄂不草廬

尙書內

召移新第

文正公以冢宰入都蒙賜第

太僕終喪返故居

習之少卿

從內城歸舊宅

堪嘆經年徹琴瑟便須議贖鄭公廬

今已易主

雖非華屋是師門舊日曾棲未報恩

丁未春夏庚戌秋冬再寓于此

我是謝家梁上燕重來難覓舊巢痕

朱文正公前宅胡同

賜第

相公

賜第近蓬萊東閣時因弟子開豈止去天同鄴杜終
教無地起樓臺傳家僅有書千卷酌墓空澆酒一椀
莫訝庭前乾土少當年

臨奠

聖衷哀

檢尋座主王文端朱文正二公所寄手札裝成

一冊敬題于後

大雅扶輪齊北斗斯文司命典南宮祥金合受陶鎔

益小草尤資長養功手蹟應題名相帖

宋曾宏父鳳墅帖首爲名

相帖心期真有古人風裝成畱作書紳訓漫與陳遵尺

牘同

過同年王太守

治模

寓宅昔年洪編修

亮吉

方

西曹體嘗先後居之其屋已敝今則煥然一

新規制稍改賦以奉柬

蕭陽亭館似林邱竹樹春來翠欲流成厦定然多燕

賀印泥猶記有鴻畱玉杯金盃三唐宅洱海蒼山六

詔遊

君守大理

便可與君同拄笏牆東添築數楹樓

過潘家河沿晉陽菴追悼寧化張進士 騰蛟

獨秀閩西曠世才心肝歐出赤蚪來青雲未遂銀袍

脫君以覆試卷用次卿字閱卷者疑爲無出議罰停一科殿試因未出身黃土長教玉

樹藿小謫塵寰困場屋仍登仙籍住蓬萊百年老輩

精靈在文福難齊訴夜臺應園詩話同徵友常熟蓬雲輝名駿與章藻功太史

蔣文肅相公同時角逐名場而流落不偶誓不登科

不娶康熙庚子中北關副車寓京師晉陽菴年五十餘卒妻年五十竟以處女終

葉貞女詩貞女同年葉戶部雲素女也八齡字今漕督許公子子旋塲貞女十歲

時方知之立志守貞以死誓父母不得已從

之目方與概於許父諾

廬墓人純孝

君近年憂歸終喪居丙舍

閨門女守貞十齡堅節操

一念結精誠漕帥官秋部郎君與締盟名駒才毀齒
雛鳳定清聲擬易烏能與聞詩鯉卽賡誰知苗不秀
似遇雨無正隱約傳凶耗號咷拒問名低頭神黯澹
洗面淚縱橫孤竹哀爲調單絲慘獨鳴塵寰元小謫
仙侶旋相迎美未書金管神先返玉京魂離新鬼大
目暝下殤并竟去秦臺鳳方曉苑樹鶯賦深開府痛
銘勒女孥瑩禮勿周官泥詩同姜女旌休論賢者過
終近聖之清

題趙中書

賦

菊隱圖

百卉都易零惟菊稱壽客可以助延齡南陽一泉碧
先生今大隱冷局比薪積久索東方米甘執子雲戟
卅年人海居獨抱嗜花癖性尤善莖菊一畦牆角闢
提壺手自澆躬躬勤不惜秋清落帽天輒紅斂九陌
斯時晚香專緋紺黃紫白瓦盆列東籬銅瓶挂素壁
不坐淵明輿亟置鄭莊驛越釀東浦醇團臍左手擘
蔗園客常滿斜街地非僻斯爲菊中隱寫照裝成冊
新識韓荆州初過履道宅微雪快時晴辛盤餞除夕
尙畱三朶花巋然如果碩溫室伴寒梅清高共標格

室中尙有三菊未
萎盆梅初試數花

臘月廿有七日汪同年主客

梅鼎

招余對酌

不徒同舉又同官

君曾試令于浙

京邸開筵歲欲闌九陌早

春溫似續

自廿三日立春後天氣頗和

二人話雨臭如蘭禮曹職

好圖王會計吏交能篤古歡待折盧溝橋畔柳乞將

江賦寫冰統

君工繪事

臘月廿有八日移寓石頭胡同

紫陌畱殘雪春光入舊年營巢輸燕睇出谷效鶯遷

餽歲叨朋舊同龕有佛緣

盧西津同年先在此招余同寓

今宵頻剪

燭談往欲忘眠

除日盧太守招同辛侍御

從益

小飲度歲時侍

御初至都

浮萍蹤跡本天涯邂逅郵亭各駐車
今夜銜梧同聽雪何如守歲阿戎家

旅次盤飧迭主賓紅綾舊話感新新
科名輸與年家

子第一花攀上苑春

吳侍御玉松蔣司成丹林
二君令子先後狀元及第

不須邀月已三人怡澣端公衣上塵
譚到潯陽賢太守澄江九派

謂方茶山映清貧

吳侍御

雲

與令子修撰

信中

出無二車以此調

之

冠蓋紛紛駟馬多南牀東觀各鳴珂
如何也似傳衣

鉢父子同車共一騾

朱文正師與竹君先生爲翰林時紀文達公詩有兄弟同車共

一騾之謔
見公年譜

元朝作

曉色熹微聽鵲聲
轟雷爆竹滿春城
雲間露出金銀

闕一色光明玉琢成

除日雪

澄懷園感舊

覆試

勤政殿謁師澄懷園
恢台正永晝嘉樹新陰蕃
紫花遍陂池清流環短垣
時鳥弄好音對語高枝喧
舊遊如在目泥上猶畱痕
荏苒廿三載義輪殆如奔
呂村

宿草茂元氣斯文存門生頭久白飲水恒思源柰荒
陸氏莊莫報歐陽恩

正月八日庚戌同年團拜

同年聚都下團拜及初春

新進士期集所團拜見夢梁錄南宋館閣錄亦載團

拜之

八日辰爲穀三元士所珍

在座三元皆備吳諳人戊辰狀元蔣筮陔

辛未狀元兩君爲同年之子陳鍾溪少司農已酉試解元爲同年之弟朱滄湄司勳則庚戌本科會元

鐙開火樹

席上試鐙

照雪濯冰輪

人日雪三寸許

舊事鈞天奏遙

遙似隔塵

余自榜下團拜後及今再與已闕二十一年戊午正月雖在京以臥病不與也

正月十八日飲歸得家書

驛程將百舍雁信抵千金急拭鐙前眼欣舒酒後心

童蒙須愛日

大戴記君子愛日以學

仕宦愧爲霖又待書驢券

單車闔嶠臨

卽席呈閣學汪薰亭先生

紅搖蠟燭映醜顏接席擎杯禮數刪
淑序漸看春似海先生定卜壽如山
爲人忠每身三省庇士寒眞屢
萬閱忽念天都動歸思尙能拄杖對煙鬟

酒次言三
月間會典

告成職事已
畢將引年也

萬柳堂後改爲拈花寺近時阮芸臺秦小峴兩

先生頻遊於此題詩補樹復爲城東饒客之

地正月之杪將出都獨至一訪成長律十六

韻

元代廉希憲經營萬柳堂

熙朝馮相國點綴午橋莊
風月攜羣彥鶯花助一觴
先生休沐暇弟子舞雩狂
授簡來枚叔開尊遇葛疆
烏曾依厦屋燕忽去文梁
展轉歸僧舍蕭條對女牆
小邱仍鄴杜大塊自文章
絮後三春舞蒲先八月荒
冠裳懷勝槩翰墨溯詞場
佛解拈花笑人寧愛樹忘
時賢重拂拭今我獨徜徉
春尙蓬蓬遠枝還裊裊揚
敦槃欽老輩電石感流光
近接宮雲紫遙承苑樹蒼
短轅行獨速歸路趁斜陽

題友人出關圖

短衣匹馬出關行
莽莽秋山右北平
紫塞切雲騰海氣
黃沙卷地起邊聲
悲筇一片驚鴻落
衰柳千條牧馬鳴
莫向戰場尋斷鏃
百年耕垆久承平

同年包太守

敏

以乾隆己酉登第除確山令相

別今由開封郡丞擢守楚雄來都得晤賦贈
君昔飛雙鳧時我方眊明年亦牽絲君實先路導
汲水流循聲每聞故人告我愧爲政拙將貽大方笑
矜分久相睽萍聚亦非料共照恒河波各非壯年貌
我將越仙霞一塵往閩嶠君行適蠻徼雙旌指南詔

此別後會遙郵筒艱遠道相期葆晚香藉爲知己報
出齊化門道旁微見草色

國東門外馬趁趨驀見陳荻綠意含一日春光濃一
日隨儂迤邐到江南

天津

煙波七十二沽平碣石迢遙峙大瀛星野右旋分析
木地輿左輔拱

神京算縉萬竈丁輸力轉漕千檣甲促行最是往來
冠蓋地道旁時有乘縵生

呈天津道李石農先生

輪臺戍似烏臺繫今古才人處困時但覺艱危憂虎
尾幾曾謠詠損蛾眉平反自得先民意漸被終邀
聖主知先生前任滇臬欲翻一案拂撫部意
致謫烏魯木齊旋賜環起用從此勛
名到疆節和風甘雨佐

昌期

十度寒暄指一彈津門迂道小盤桓詩成西域囊偏

失

塞外詩爲
人竊去

話到東甌酒欲闌

余假溫州守時先
生任溫處兵備

碧

澗久湮河九派黃圖近接日三竿政餘不惜吟豪禿
白雪樓應主玷壇

德州

輪蹶曉過鬲津河驟覺春光到眼多隄上垂楊隄下
草翠痕彷彿染新螺

自桑園行至腰站宿

百四十里路遙遙此一程衝途憐邑小

過恩縣

淺水喜

橋平茅店月如畫枝巢鳥亂鳴中宵又催駕半睡聽
雞聲

花朝

春光纔漏柳梢芽客路花朝不見花且趁一天明月
色停驂來訪長官衙

重過汶上又承同年黃長官

殊

畱飲

去冬至日前今春二月望眞如磨上牛陳跡踏汶上
使君誼拳拳握手情話曾堆盤春圃蔬盈尊越州釀
西窗語靚縷南轅意怱悵滿衣月惺忪千里遠相望

中都

中都古是魯提封吾友鳴琴敏有功政最已將徵卓

茂

時方薦舉卓異

化行直欲繼文翁

是日方課書院

源泉南旺清雙

派

汶水七十二泉至南旺七分向南三分向北

墓草東風碧九公

魯桓至昭九公

墓皆在境內

再欲從君詢邑故宵深燈炮別匆匆

行出齊境頗多茂林可愛

驅車入魯疆漸見多林木所惜乏篁田松柏頗覺綠

農人犁耨田一驢助一犢土瘠俗能儉歲事豚蹠祝
儻得陽雨時餘糧雞鶩啄

早歲

早歲侍嚴親雙蹠與兩輪衰年仍薄宦馬足與船脣
俛仰多陳迹逢迎有故人煙雲千里月塵土二分春
冉冉周行日看看上豕辰無須苦行役簿領亦勞薪

順河集遇雨

陸行宜晴天一雨輒陷淖雙輪化爲方掀之詎有效
風伯更太驕噫氣鳴萬竅一百五日天寒生太料峭
斯爲行路難願爲居者道

王家營渡河

寒食清明荏苒過連朝僕馬困滂沱重投舊旅猶懸
榻暗數流光比擲梭初日照人停積雷東風送我渡
黃河今宵又上韓江艇臥聽伊雅和權歌

麥

三月清明麥不秀二月清明麥秀齊吳中諺語以目
驗老農之談非無稽昔年八月下通潞兩岸麥苗已
被畦今從燕南歷淮北清明麥短如初稔江南刈稻
始種麥秋杪畝有餘糧栖種比北遲秀特早天時地
氣殊暄淒人生少見每多怪毋乃瓮天處醯雞

飛鳥

飛鳥王喬易彈冠
貢禹頻豈皆驚
峽蝶庸或擾麒麟
弦戾琴聲古花愁
錦樣新紛紛年少者
可是洛陽人

復雨

渡河晴兩日風雨又飄搖
喜得吳船庇寒憑魯酒澆
檣間雙燕語垣裏一花嬌
昨過界首初聞燕語不覺
今過高郵初見桃花

蕪城近春深廿四橋

露筋夜泊

雙社湖頭春水露筋祠
畔吳船忽憶王揚州
句門外野風白蓮

揚州晤汪郡丞

端光

爲致其次郎水部全德家書

郎君人海接觸籌爲寄平安二字郵騎鶴依然生計

拙驂鸞曾識政聲優

君官桂管十年

小紅舊唱新詞韻濃墨

今揮老筆適明到江南望江北春波一片思悠悠

詠蘆笋和汪郡丞

產處偕蒿茁芟來冒筍偁含桃胎甫孕翦韭俎同登
社燕營巢竟河豚出網曾封侯還假節頭雪恐翦鬢

揚州邂逅同年石按察

韞玉

自江寧來

吾榜廷魁石曼卿無端握手綠楊城六朝山色如螺
染二月江波似鏡平恰趁清風來此地相於今雨話

離情何時也遂葦鱸願好買吳田事耦耕

廣陵驛夜泊

已過一百五日又到二十四橋細雨俄開晚霽繁星已映春潮

金山

多少江中嶼金山際遇奇樓臺攢梵宇金碧瘁工師
小李將軍畫東坡居士詩盟心唯誓水陽羨買田遲
渡江

江流從西來不肯瞬息住蒙泉日以出新新總非故
四瀆河挾淮濟原泉久錮昆侖神禹導九河已平淤

汜濫決隄防奚止毀田墓江性不失常力大不待助
量寬能有容萬派注不吐行所不得止終古一旦暮
惜乎在南條不流竟冀豫三代以前人幾輩目曾寓
我從揚潤行頻問京口渡順風張布帆遙指西津樹
重三日過蘇州以曹太恭人忌日已近遙歸不

泊

始蘇真勝地上巳又佳辰煙雨連宵楫鶯花滿目春
行人仍捧檄忌日倍思親好把新松埽滕橋一問津

先塋相近
有滕橋

五人墓

不畏國法乃亂民一朝之忿殺厥身是取何義成何
仁然而肝膽能輪困雖然無賴存天真老拳亂揮正
氣伸緹騎鼠竄不敢瞋春鋤有覩爲疆臣吳儂樂道
猶津津虎邱寺近山塘濱墓門片石千古新六君子
外又五人

舟行

小唯亭接大唯亭行過沙河權不停河水最清剛酌
得舉頭山色又青青

一拳部婁不成峰羞說芙蓉紫翠重百里無山聊有
此擔園遺跡歎塵封

支港橫縱路易迷零星村落水東西豈徒語鳴喧橋
仄更聽流鶯不住嘯

小桃開處爛朝霞斷木支橋倚水斜一陣風來香撲
鼻萬花黃遠野人家

讀張丈允武詩集中銅鼓歌感賦

銅鼓廣西物巡撫副都公錫秦攜歸公沒後

十餘年以官逋售其第於姻家鼓偕往張丈
傷之作歌

銅鼓歌長音節促悲壯蒼涼歌當哭三十年前歎負
薪而今薪亦無從縛收句云銅鼓公子當時尙少年

歌殘負薪

少年胸眼顛毛禿破帽殘衫范叔寒經營慘澹謀饒
鬻槩戟家聲付逝波楹書雖在無能讀大似江河東
去流滔滔赴壑無由復淞南丙舍暮雲封翁仲無言
牛礪角嗚呼副都作吏最有聲吉甫文武非書生自
從宰邑至仗鉞功名富貴天衢亨飭終優典壽杖國

僕指未盈一甲子橋柯蔭失南山

梓昨聞軼事蔣湖州

名勵宣
全州人

削瓜之面官爲理哀矜

折獄疑惟輕于公陰德高門起如何成竹先在胸明
非如鏡平非水三復瀧岡阡表文求生不得仁人指
廿年我亦職司刑凜凜爰書天去咫偶誦詩人銅鼓

歌商聲激楚涕滂沱西鄰銅鼓猶無恙消歇繁華一
剎那

張萊州

問陶

審蘇州而居停查郎中

有折

遘難

作此詢之

不獨詩仙又酒仙韋房未敢傲時賢錦帆弦管三更
月繡句鶯花二月天渲染王維工粉本

謂王孝廉椒畦

推敲

張籍和吟箋

謂張明府蒔塘

邱成分宅情真厚短簿祠邊寄

一塵

謂查郎中山

莫問彈冠與挂冠衰年宦興定闌珊詩同渴驥奔泉
水官似鮎魚上竹竿鶴唳風前真可駭燕巢幕上那

稻香吟館詩藁

卷六

四

能安袖中東海知存否袖破畱將一勺難

題友人詩稿

碧桐尋故國

晉人

黃葉滿秋林

樓名

奇字每充腹好詩能

寫心青雲仍寂寞白髮已侵尋太息崔斯立風塵困
已深

寧化謁宋李忠定公祠

國從北宋爲南宋公赴潭州自福州中道輶車經宿
駐荒垆祠宇至今畱一心商相言猶在十事唐臣願
豈酬公謝除右相表云敢效唐臣邀說孤負平生恢
復志黃龍北望淚空流

福州歲首已賣折枝桃花一路北行常見之至
四月初過盧溝橋而西村舍猶盛開也

九十日春異冷暄五千里路遞輪軒愛他一路桃花
好直伴行人到國門

海淀小住

曉從長新店經趨北海淀地僻行人稀小石更凌亂
僕夫不識途臨歧詎能辨逢人輒咨詢未敢遊汗漫
确犖多顛簸風輪四周扇舉頭見西山爽氣正迎面
海淀有

御園制如漢甘泉瀑直諸公卿各各

賜一塵地近昆明湖鑿沼緒淪漣春晚百卉榮庭院
花翩翩丁香分紫白海棠尤便娟鸞枝南方無唐棣
北海箋兩日濯枝雨雨過色益鮮紫藤架未吐白芍
擔未肩今年花事晚得與花周旋看花諸舊侶好與
續前緣

柴桑昔有句孟夏樹扶疎北方氣候晚柳稊綠初敷
榆錢才落砌椿芽乍佐蔬然而嘉樹意如蝨已欲蘇
到處水泉活恣浴鷺與鳧好鳥時弄聲遷喬更鳴于
西曹趙倚樓趙主事汝山爲儼一畝園乍拂征衣塵停此
勞人軒庭宇奐然新板橋恰當門雙榆竦喬柯落錢

未上垣我茲恰三宿桑下默無言

詣

宮門遞摺謝

恩請

訓

陳時臬事例朝

天盛世何妨素手前次對

彤墀行接武侍班青瑣立隨肩

上御二宮門引見觀射諸臣例應立

班外官按察使亦與

恩承晉書符

三接

臣蒙恩召見三次近今二司所罕有

感切升階慶再遷

帝許精神老猶健敢將筋力惜餘年

訪同年汪浣雲侍御

梅鼎

於米市胡同始知去

年十月已逝矣

日昨過汝上驚聞山谷逝茲來尋米市浮溪又下世
鬼伯太猖狂思之可裂背憶重光協洽崢嶸將卒歲
感君折簡招兩人飲譚藝性情各硜硜道義相砥礪
獻春我之閩贈畫乃分袂相望五千里頗有疏麻遞
繼聞君喪子西河感難慰定傷開府心難盡登臺涕
傷人憂本能招魂巫乏計旅櫬已南歸屯溪水無際

可憐黃長官逋未知其麗八口那將歸葛屨久淹滯
不及劉伯倫荷鍤隨處瘞

喜晤同年李水部春田

承端
源人 婺

通籍歸依鳩杖前

分部後
即乞養

科名應負丙丁連

丙午丁
未連捷

論資久可登高品

同分部已
有開府者

需次偏教讓後賢下第

我曾經兩度入官今已越三遷

余以令四遷
而至臬使

欣逢舊

雨鹵鹵別且俟雙魚尺素傳

晤同年王太守延庚

蘇

知張安西子白

若

采樵畱

臯蘭未歸用黃司農壹齋

鉞

題其清溪別意

圖韻哀之

安西路更遠鳴沙

君先宰鎮番

歎逝傷離計歲華旅櫬寄

憑魂守舍藐孤歸亦女無家

君本無家一子才六七齡耳

二張詩

酒皆春夢

君與張萊州船山皆能詩嗜酒先後下世

萬里功名更鏡花同

解同鄉同得第不須腹痛待過車

同人公讌賦謝

臺省諸公賸九人

趙夕拜序堂黃戶侍壹齋葉民部雲素蔣中丞丹林喬少僕筆珊辛

通叅筠谷陳司封玉方王禮侍連府戴西曹金谿共九人櫻桃厨啓及佳辰送迎

何必歌陔夏主客兼之餞晚春

後二日立夏

久住不移琴

上軫

諸公通籍京宦垂三十年矣

暫來偶聚水中萍今宵便向盧

溝宿轉戀東華十丈塵

呂邨展朱文正公師墓前月之廿一日

聖駕到坐

賜奠焉

特駐

鑾輿酌殯宮

眷懷舊學

聖恩隆從官觀感皆零涕曠典殷肫寓勸忠草可藏

麟應有待

塋無翁仲
規制甚儉

庭才旋馬正相同平生儉德堪

矜式汰侈由來薄冠公

猶記回車六出霏

辛未嘉平
二日事

重來春草正萋萋舊栽

桃李丁年少

謂丙午庚戌二科

新補松楸丙舍圍青眼平生

心永寫白頭老淚手頻揮一瞻遺像容惟肖願待來

生立雪扉

展公雪晴獨立圖小影獨

女正師二曾孫

甘霖梅霖

在丙舍因勗之一

昔趨東閣謁我師手承數月之嬰妮座有庶子汪靜

厓似聞相締婚姻詞

甘霖為靜厓先生孫壻

修蛇赴壑馳娥義

台星久隕神騎箕庶子墓草先已滋

靜厓先生墓志為公所撰

竭

來展墓哭於斯公孫之子適在茲疑年僕指輪干支

一星終矣又半之恰是祿中數月兒更有厥弟肩相

差我師幼慧稟異資神童之侑公卿推十七之歲攀

桂枝明年雁塔名旋題柯亭劉井紳透遲敷歷中外
台鼎躋童齒雖禪當久知高曾規矩工所治努力螢
雪毋荒嬉勿效乃翁誤入貲貲郎債帥不可措又爲
識者爭相詆半生錯此一着棋聚六州鐵無可醫我
言逆耳意則規質諸先師當不疑

雷雨

今年聞雷才兩度五十日行六千路先之大風欲拔
樹繼之密雨傾盆注行人欹枕愁不眠雙輪裹淖方
不前忽思甘澍膏大田大東小東麥芊芊臺笠緇撮
歌豐年喜雨亭記成坡仙我甘泥潦隨車輪行遲何

必心憂煎

十五夜月

昨夜臥聽雨今宵三五盈一輪
明月滿半夜御風行
皎潔琉璃界郎當鈴鐸聲
長安猶未遠回首望瑤京

過汝上悼同年黃長官澹人

名洙揚州人

又過中都地亡之江夏黃丹雞
曾結契白馬欠奔喪
歸骨知何日遊魂望故鄉
纏腰與騎鶴奢願那能償

滕縣道中

土潤南風小車塵喜不羸
矮山堪架筆淺水莫投書
大道柳絲絕平疇麥浪初
不知徐孺子出處計何如

謂同年徐太守
石渠君滕人

東王徐州潤生

澤

韓門縞紵投交互三度分衿三度遇廿載青雲器久
淹終看直上青雲路三霄給札看摘豪六詔掄才同
叱馭藜火書方東觀紉薦冠籍又南牀注乞郡都因
索米難一麾竟向黃樓住黃樓之外黃河流河循
軌安瀾謳鄭公况復擅三絕通才詎與俗吏侔定與
坡公相上下恐無庠老供倡酬人生飲啄皆前定伏
願先生日勤政愛民自可召甘和德水年年如練淨
晉盜逃秦法在嚴煙動何能消靜鏡未來利鈍那得

知塞翁得失雞蟲競但慎銜勒行康莊不羨終南多
捷徑廿六年來閱歷多力與紛華戰得勝託君肺腑
敢盡言芻蕘諒可塵清聽我今驅車過邳宿多君迂
以紀綱僕卽次俄成下里詞慰君并以爲君勗事不
可料理可憑報最升階爲君祝吾儕所重後起賢勿
教純袴誤誦讀倘能退食有燕閒設色折枝寄一幅

補和衷太守雅堂先生

以燠

癸酉重宴鹿鳴詩

時主講成都卽就近與宴

董文恪典江西試先大夫襄校士初翁壽今看九秩
啓我生尙後四旬餘

余生十月廿有七日距發榜月餘

重輪本命雞

年到再聽前歌鹿野徐迢遞錦官城萬里補賡詩句
附雙魚

丁邳州

觀堂

以新志見贈閱竟書後

下邳本漢縣且嘗建爲國古亦多聞人文武各殊特
如何山川秀忽焉竟衰息千餘年至今大減薦紳色
編戶指如椎僅僅食其力弦歌聲寂然無鹽不可刻
慨茲數卷書尙嫌有浪墨疆宇隸江南實界沂兗域
河漕所經由隄防密于櫛旣有轡軒來復懼逃亡匿
帶牛俗未馴探丸事叵測撫綏及搏擊長官能盡職
餘力乃興文堪爲四鄰式

界首感舊

憶昔先朝議曾吟界首詩人家蘆織壁邨堡土增陴
二語真如繪雙丸竟若馳時年才及冠今髮久成絲
陵谷原猶是隄防或異宜數聲亭障角一片酒家旗
點點林鴉舞蕭蕭驛騎嘶松楸懷舊德蒲柳感衰姿
往事誰知狀長郵有所思今宵不成寐煙艇去遲遲

同年洪沂州

梧

前以翰編副典浙江乙卯鄉試

余充同考官今過揚州訪之於梅花書院則

雙鬢矣賦以惜之

持節掄才日寒暄廿度更誰知洪玉父竟似左邱明

銀海波全涸金鑊術不精梅花三百本何以伴先生

邵伯道中大風

麥秀寒增麥未秋大風勁阻順流舟莫嗟大澤持竿
叟我亦同披五月裘

自袁浦至揚州雜詩

袁江南去接邗江一樣黃沙向面撞贏得雙輪換雙
櫓好將筆硯傍篷窗

兩條隄夾一條河隄比田廬高得多聞道運河曾水
涸往來行旅僱驢馱

六六湖光瀾瀾波隄東浸得夕陽多眠鷗浴鷺紛紛

是慣伴漁翁一領蓑

小正傳將萑葦分河壩沙岸碧紛紛封侯孤負蕭寒
郡只策淮壩作室勳

草屋縱橫雁戶存雨多屋頂上苔痕連年水小湖田
熟免得挑兒遠出門

吾家老友潘邠老曾宰江甘兩縣來可惜官如宋都
鷁退飛思覓避風臺

謂門生潘明府鎔以公事
鐫級貧甚久不得入都

邵伯

篙櫓都無計因維下水船風花能翳日湖氣欲彌天
西陝棠堪愒東山埭比賢如何徐孝穆盡室竟南遷

徐御史寅亮家此
慮水患移居嘉興

揚州

綠楊城郭筆難描
冷禁枝頭五月蜩
一代清才思杜
牧二分明月在唐朝
誰家玉樹栽難長
幾姓銅山鑿
易銷老我卅年來
往數看人十萬貫纏腰

過揚州弔故守伊墨卿

秉綬

殘年風雪忽遊山

君以甲戌嘉平至福州請咨
赴補往遊武夷歲暮歸里

檢點

春衣意甚閒
慣有逢迎來地主
能將詞翰動江關

君從

江西過皖口求書者多
故所過都會輒留數日

徹琴空復攜琴去
騎鶴誰知

化鶴還一夕
秋風凋蔽芾
棠枝應染淚痕斑

食蠶豆筍

淮南畢竟近江南鄉味由來舌本諳綠玉滿盤滯供
美老禪玉版更同參

瓜州夜泊感舊

五月江南梅子黃瓜州曾繫雨中航如何四紀今重
泊怕聽鈴聲替戛岡

丹陽道中見竹惜其憔悴

誰家菜圃傍河干中有蕭蕭竹數竿恰似維摩老居
士藥鑪煙篆伴蒲團

自杭州至嚴州雜詩

杭州好湖山圖畫所不及水綠不可唾石瘦都堪揖
聞根林籟佳鼻觀花香烈一筇如可支匝月遊不給
別久思常縈路長行乃亟重到待它年白駒謝維繫
錢塘江上潮開化寺中塔寺塔鈴郎當江湖響鞞鞞
南宋此行都冠蓋頗雜選過闕及歸田於此待批答
多于挂單僧與門不得闔尙書省牒存摩挲曾幾匝
安得攜羶椎硬黃紙輕搨

濃陰障明月清光畧穿漏春枕無濤聲一夕安宿留
未明已解維到耳櫓聲驟悵悵乏籃輿冷泉訪靈鷲
岸澗江無聲山稠翠如潑煙光雜雲氣青山互出沒

斷岸間平沙山禽叫林樾一帆馭長風迅若穿雲鶴
每從京口渡一窺江南山九龍與楞伽婉變秀可餐
惜如獨者蜀終嫌誰華單看山看一飽須上江山船
無論晴與雨態度變萬端橫峯與側嶺一曲而一蟠
密樹與修篁或斷而或連片帆趨桐江衆美羅林巒
馴鷗沒浩蕩時鳥聲絲蠻彼美者何人漁蓑手綸竿
雨作又雨止雲來亦雲去山色無古今江流新不故
衆綠一舟圍空青半帆度南薰改北風五月衣猶絮
進瀧旋出瀧風利船如馬梅霖添水肥坐使灘聲啞
飛嵐衣袂染密雨檣帆灑崖邊白屋多山罅清泉瀉

秀絕富春山宜煩大癡寫

桐廬

邑小無城郭圖經述舊聞
桐君傳藥錄釣叟應星文
白屋迎朝旭

往年侵晨過此見朝曦滿射光景可玩

青山宿夕雲經過

懷舊跡行役悵勞筋

巖州

翠堵波雙峙巖州在水西
雷聲催雨急暝色罨城低
濕翠堆煙靄飛鴻印雪泥
深林飛布穀爲我盡情噉

睡醒

睡醒夜過半梅霖響一江
迷濛雲裏月流照到船窗

卽目

臨江小聚幾人家翠竹森森映白沙對岸好山雲隔
斷看來疑是眼麻茶

寒

五月寒如此江船草閣成煙雲蕙澗壑風雨逼檣帆
酒量懷人減書詞寄遠緘還愁梅氣潤點點駮衣衫
桐江多支港每在山罅風景可愛

兩山疑手擘一水又舟通徑曲難尋路帆張却受風
岸無乘馬客村有釣魚翁此便桃源境春來花自紅
沿江竹樹可愛

平沙碎石滿江溥修行森森雜茂林若遇名流修禊
事便將此地替山陰深能蔽日宜三伏高可凌雲欲
百尋里老荷鋤朝夕過對牛彈那是知音

五月十有八日

黃梅雨黃梅水五月北風舟子喜雨點細雨點粗今
日之雨昨日無四年之中閩再入仙霞之關高百級
來時嶺雪飄行笈二月春寒裘再襲

蘭谿

沿江都小邑百貨聚蘭谿水犬魚督少樓高雉堞低
江天雲霽燈火夜淒迷多謝崔斯立臧書鄭重題

同年崔翼書宰
武義遣使貽書

蘭谿道中所見

千巒萬岫何便娟
匹如衆婢行駢肩
米家父子畫不到
迷離出沒雲而煙
出瀧江面漸漸濶
天空又使心胸豁
溪山面目不雷同
且任布帆指太末

王竹坡通守

鳳生

假平湖少司寇小峴先生訪

之遊弄珠樓賦斷句八章中及鄙人通守以
石刻拓贈因亦賦六章將以呈司寇并柬通
守

東湖中有弄珠樓樓下澄波滑似油
回首舊遊成俗

吏負它風月與觥籌

手植新籐傍舊籐新花爛漫舊花仍回思十六年前

事不覺年年蒜髮增

鴛鴦湖畔送還迎多謝當湖舊雨情

余此次往來黃太公菊坪張孝

廉爲庵周明經晉園錢吉士毅庵馮秀才湛園俱至嘉禾相晤免却人歌推不去不

妨重過駐帆旌

烏衣門第本清才邀聽循聲美政賅我是穰稅君是

玉韓松冠柏看重栽

漢時舉將皆師事况是詞宗又大賢昨過梁谿趨繚

帳絮談頻墜惠山泉

夫子題詩在上頭門生學步壽陵儔續貂附驥憑人
笑爲是官箴臭味投

坡樹

曉舟不見山奔流蝕江步濃綠罨篷窗坡有千章樹
擔夫朝趁墟指羽臨江渡岸濶煙光疎水禽啼不住

聞蟬

五月寒從梅雨生昨朝今日漸開晴衢州未到龍游
過喜聽新蟬第一聲

和秦照實上舍

鑑

存澤廬詩

山抹微雲絕妙才却憐無地起樓臺臨流築得三間

屋剝費經營慘澹來

廬名存澤榭清芬意在箕裘奕葉勤寄語薦紳諸子
弟莫教零落舊籤芸

誰與廬鴻繪草堂休忘王勃有書牀往來不少羊求
侶明月清風無盡藏

舟中讀張亥白孝廉

問安

船山太守

問陶

昆弟

詩集感賦

西蜀古多才於今不數見二張生相門

遂寧文端
公元孫

詩

名起弱冠仲子我齊年雲龍金利斷伯也蹤跡疎鴛
湖才一面二君交不同臭味實無間伯子困公車其

罪不在戰匹如魯之縞能拒綦衛箭多年奉母歸馬
卿久遊倦仲子早通籍疎狂成拙宦改官非遷官但

見衙門換

君以檢討爲御史又以回避改吏部郎中出爲郡守換衙都中俗語

拂衣去

東萊貧守資人夔兩君少年時足跡天下半伯也更
南征朱厓遊汗漫歸僑浣花溪葭草種庭院仲子飲
大戶被人稱醉漢斗酒詩百篇世人白眼看仕隱雖
相殊軒輊未可判吳蜀數千里緘書託雲雁望遠不
聞聲奮飛乏羽翰人生無百年泡影石火電驚心微
琴瑟兄後而弟先無子尙有母春暉迫日盱仲今攢
虎阜秋墳颯颯竄歸殞未有期何人澆麥飯浮名數

卷詩魂兮必戀戀幸得登梨棗天壤好布散大山與
小山花鄂而錦段有此身後名長夜可旦旦所欠無
行狀句人作合傳季子識余言了此一公案

題船山詩集後

一別不相見浮雲十五年酒無賢聖別詩尙性靈偏
好色難成佛多才定謫仙剖符吹劍首蛇足劇堪憐
船山詩集中有題桃花扇傳奇詩頗不厭鄙意
爲作八絕句

欲向南都譜舊聞偶然刻畫李香君女兒熱血能多
少灑去模糊點不分

人皆欲殺黨人魁翻案幾然未死灰只有傾城悅名
士青樓一女勝姦回

欲把新詞續玉臺俄看東海忽飛埃天荒地老桃花
死此曲人間劇可哀

板橋流水碧粼粼橋畔桃花歲歲春鬢臂有盟甘玉
碎九原羞煞息夫人

誰歟作者孔東塘詞意分明寓抑揚好比東京孟元
老夢華一錄感興亡

匆匆殘劫閱紅羊又踏槐花進舉場南部煙花消息
斷金梁橋上月如霜

畫師田叔忒多情血當胭脂爲寫生從此白門香扇墜薛濤蘇小共傳名

夷門公子最翩翩裘馬風流望若仙賴有佳人作知己雕蟲小伎壯夫傳

吳玉松太守

雲

書來有退老之意作此寄之

齊年多君子先生尤率真胸中無城府似古懷葛民我亦性磊落所以臆就君一麾古鄴都尺書通殷勤不作寒暄語惟以肺腑陳忽忽意不樂如釣將收綸二知老氏訓此志毋逡巡

東觀事編摩西臺著風力垂老剖郡符從容盡厥職

公餘飭園丁花木事培植石疊兩小山公子作賦勒
生兒中狀元足減寮案色地居大河北篔簹豈易得
移來青鸞尾種向訟庭側一宵靈雨零新筠淨可拭
碧葭及朱蓼與之爲羽翼皆來書中語生機盈目前秀色
娛退食樹木通樹人殆如伐柯則

又近體一首

書來云已買漁蓑聞道年來鬢未皤資效香山量伏
臘白樂天詩欲爲解卸簪
纓計也要料量伏臘資歌聽樂府定風波遊山輿
藉門生舁載雪船憑好友過只恐欲歸歸不易攀轅

父老競畱鞞

道旁柳

和雨和煙大道旁絕無公子炙笙簧行人停騎輕分
手幼婦登樓易斷腸跪地細腰如我瘦終朝偷眼看
人忙不如栗里門前五只伴先生酒一觴

婿徐琳森玉

同校

男華清正之

稻香吟館詩藁

卷六

三

稻香吟館詩藁卷六終